

KERATAN AKHBAR

TARIKH : 19 OGOS 2023
AKHBAR : KOSMO
MUKA SURAT : 7

KDNK 2023 dijangka 4-5%

Permintaan dalam negeri lebih berdaya tahan tahun ini

KDNK 2023 dijangka 4 - 5%

PETALING JAYA - Pertumbuhan ekonomi negara dijangka kekal sederhana sehingga hujung tahun ini berikutan rintangan luaran, namun terus disokong oleh permintaan dalam negeri yang berdaya tahan, menurut Bank Negara Malaysia (BNM)

Jelasnya, dengan persekitaran global yang mencabar, ekonomi Malaysia diunjurkan berkembang hampir kepada julat yang lebih rendah antara empat peratus hingga lima peratus pada tahun 2023.

Gabenor BNM, Datuk Abdul Rasheed Ghaffour berkata, risiko prospek pertumbuhan Malaysia bergantung pada risiko pertumbuhan menjadi semakin perlahan yang berpunca daripada pertumbuhan global yang lebih lemah daripada jangkaan.

"Ada juga faktor risiko pertumbuhan menjadi lebih tinggi seperti aktiviti pelancongan yang lebih kukuh daripada jangkaan serta pelaksanaan projek yang lebih pantas," katanya dalam kenyataan Perkembangan Ekonomi dan Kewangan Malaysia pada Suku Kedua Tahun 2023 semalam.

Menurut BNM, perkembangan global terus menjadi faktor



RASHEED

AKTIVITI pelancongan domestik menyumbang kepada keadaan ekonomi di negara ini.

utama yang mendorong keadaan kewangan domestik pada suku kedua tahun 2023.

Sentimen pasaran kewangan global terjejas disebabkan oleh kebimbangan berhubung dengan prospek pertumbuhan

ekonomi global yang lebih perlahan dan pemulihan ekonomi di China.

Harga komoditi dan permintaan semikonduktor global yang lebih rendah jejas pasaran domestik.